



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

409

1903

2(075)

U-15

3058
Одобрено Попечительским Советомъ Кавказскаго
Учебнаго Округа.

1903. № 1103.

Ա. ՏԱՐԻ

ԴԱՍԱՏԵՏՐ ԿՐՕՆԻ

Համաձայն ծրագրի հոգևոր իշխանութեան

ВИАВНОУЧЕВ
ИНСТИТУТЪ
ИСТОРИЧЕСКОЕ
АКАДЕМІИ НАУКЪ
СССР

Թ. ՏԱԳԵՐՈՒԹԻԿ

Կ ա գ մ ե ց

Սահակ ըհ. Սահակեանց

2001



Թ Ի Ֆ Լ Ի Ս

Հարսան Տ. Մ. Թափնեանցի

1903

21079
N-15

2010

С ԳՐՄ-Կ
3058

Одобрено Попечительскимъ Совѣтомъ Кавказскаго
Учебнаго Округа.

2(075)

4-15

Ա. ՏԱՐԻ

ВЪДѢНОТНА
ИНСТИТУТА
ВОСТОКОВЕДЕНІЯ
Академии Наук
СССР

ԴԱՍԱՏԵՏՐ ԿՐՕՆԻ

Համաձայն ծրագրի հոգևոր իշխանութեան

Թ. ՏՊԱԳՐՈՒԹԻՒՆ

Կ ա զ Մ ե ց

Ս ա հ ա կ ք հ. Ս ա հ ա կ ե ա ն ց

Թ Ի Յ Լ Ի Ս

Տպարան Տ. Մ. Ռոտինեանցի

1903

ՀԱՅԿԱՍՏԱՆԻ
ՊԱՏՄԱՆՈՒԹՅԱՆ
ՄԱՐԿԱԿԱՆ ԿԵՆՏՐԱԼ
ՊԵՏԱԿԱՆ ԿՈՒՆՍՏԱՆ

Дозволено цензурою. Тифлисъ, 25 Февраля 1903 года-

50251-ա/բ

ՀԱՅԿԱՍՏԱՆԻ
ՊԱՏՄԱՆՈՒԹՅԱՆ
ՄԱՐԿԱԿԱՆ ԿԵՆՏՐԱԼ
ՊԵՏԱԿԱՆ ԿՈՒՆՍՏԱՆ

36117-66



ՀՐԱՄԱՆԱԻ

Տ. Տ. ՄԿՐՏՉԻ Ա.

Սրբազնագոյն Կաթողիկոսի Ամենայն Հայոց ծայրագոյն Պատրիարքի Եպիսկոպոս Արարատեան Առաքելական Մայր Աթոռոյ Սրբոյ Կաթողիկէ Էջմիածնի:

Ըստ ըարձու հրամանի Նորին Ս. Օծուծեան վեհափառ Հայրապետի ազգիս Տ. Տ. ՄԿՐՏՉԻ Դիւանս թոյլատրէ տպագրութեան դասագրոյս եւ վաւերացուցանէ ստորագրութեամբ եւ ղրոշմամբ կնքոյ Հայրապետական Դիւանի:

Ի 1-ն Յուլիսի 1899 ամի ի Ս. Էջմիածին:

Դիւանապետ Կորին վարդապետ.

Մխական դպրոցների ձեւափոխութիւնից հտոյ՝ նրա ծրագիրն էլ փոփոխութեան ենթարկուեց, այս պատճառով եւս բնական է, որ դասագրքերն էլ ըստ այնմ յարմարուին: Մեր ձեռնարկներ գործածողները կնկատեն, որ սոյն տպագրութիւնը յարմարեցրած է վերջին փոփոխութեան՝ որով եւ դիւրութիւն տուած հայր կրօնուսոյցներն՝ լրացնելով մի քանի ձեւականութիւններ:

Նրբեմն պատահել է մեզ լսել ոմանց կրօնուսոյցներից, թէ ինչո՞ւ նրանց համար ոչինչ չկայ աշակերտաց դասագրի մէջ: Մեր պատասխանն է—մենք դիտում ենք չենք հետեւում դասագիրք կազմողների այն ուղղութեան, որոնք ուսուցչի եւ աշակերտների սասը միասին՝ միեւնոյն դասագրի մէջ են տպագրել տալիս, այլ որոշ հիմունքներով՝ համաձայն մանկավարժական պահանջների, զատած ենք միշտ ուսուցչի բաժինը աշակերտականից եւ դա շատ բնական է—ուսուցչին ասելիքը միտք չունի, վնասակար է մտնուկ աշակերտի ձեռը տալը, դա հակառակն է կարժական է:

Որովհետեւ այս դասագիրը գործ է տրուում զանազան կարգի դպրոցներում, ուր կրօնի դասերի թիւը տարբեր է, այս պատճառով եւս ըստ ներման ժամանակի եւ հանգամանաց, տուած նիւթը հայր կրօնուսոյցները կարող են լրիւ կամ կրճատ անցնել:

Յարմարեցնելով հին ծրագիրը ներկայ պահանջներին, յոյս ունիմ թեթեւութիւն եւ դիւրութիւն տուած լինիմ կրօնուսոյց եղբարց:

Տ փ խ ս

24-ն լուսեփ 1899 թ.

Ա.

1. Յանուն Հօր և Որդւոյ
և Հոգւոյն Սրբոյ. Ամէն:

2. Հայր մեր, որ լերկինս ես, սուրբ եղիցի անուն քո. եկեսցէ արքայութիւն քո. եղիցին կամք քո որպէս լերկինս և լերկրի: Չհաց մեր հանապազորդ տուր մեզ այսօր, և թող մեզ զպարտիս մեր՝ որպէս և մեք թողումք մերոց պարտապանաց, և մի՛ տանիր զմեզ ի փորձութիւն, այլ փրկեա՛ զմեզ ի չարէ, զի քո է արքայութիւն և զօրութիւն և փառք չաւիտեանս. ամէն:

Մեր Հայր, որ երկնքումն ես, քո անունը սուրբ լինի. քո թագաւորութիւնը գայ. քո կամքը լինի, ինչպէս երկնքումը, նոյնպէս էլ երկրի վրայ. մեր ամենօրեայ հացը տուր մեզ այսօր. մեր պարտքը թնոյ մեզ, ինչպէս որ մենք էլ մեր պարտապանե-

ըին ենք թողնում. մի ձգիր մեզ փորձանքի մէջ,
այլ փրկիր մեզ շարիցը, որովհետև զօրութիւնը և
փառքը քոնն է յաւիտեանս. ամէն:

3. ԱՂՕԹՔ ԴԱՍԻՅ ԱՌԱՋ

Ամենաբարի Աստուած, առաքեա՛ առ
մեզ զչնորհա Հոգւոյդ Սրբոյ, զի պարզւեացէ
մեզ զմիտս և կազդուրեացէ զզօրութիւնս
հոգւոց մերոց, որպէսզի մեք ընդունելով
զաւանդեալ մեզ ուսմունս, զարդասցուք
քեզ՝ ստեղծողիդ մերում՝ ի փառս, ի մխի-
թարութիւն ծնողաց մերոց, յօգուտ եկե-
ղեցոյ և հայրենեաց:

Ամենաբարի Աստուած, ուղարկիր մեզ Սուրբ
Հոգուդ չնորհը, որ մեզ միտք պարզեւ. զօրացնէ
մեր հոգու կարողութիւնները՝ որպէսզի ուսում ստա-
նանք. մեծանանք Ստեղծողիդ փառքի համար՝ մեր
ծնողներին մխիթարելու և եկեղեցուն ու հայրենի-
քին օգտակար լինելու:

4. ԱՂՕԹՔ ԴԱՍԻՅ ԵՏՈՅ

Գոհանամք զքէն, Արարիչ, զի արժա-
նի արարեր զմեզ չնորհաց քոց՝ ընդունե-

զութեան ուսմանս: Օրհնեա՛ զմեծաւորս,
զծնողս և զուսուցիչս մեր, որք առաջնորդեն
մեզ ի գիտութիւն բարութեան և տո՛ւր
մեզ կարողութիւն ի շարունակութիւն ու-
մանս այսորիկ:

Չնորհակալ ենք քեզնից, Արարիչ Աստուած,
որ արժանացրիր մեզ ուսումն ստանալու: Օրհնիր
մեր մեծաւորներին, ծնողներին և ուսուցիչներին,
որոնք առաջնորդում են մեզ զէպի բարին. տուր
մեզ ոյժ և կարողութիւն այս ուսումը շարունակելու:

5. ԱՂՕԹՔ ԺԱՂԻՅ ԱՌԱՋ

Աչք ամենեցուն ի քեզ, Տէր, յուսան,
Եւ դու տաս կերակուր նոցա ի ժամու.
Բանաս զձեռն քո
Եւ լցուցանես զամենեսեան
Քաղցրութեամբ կամովք քովք:

Ամենքի աչքն էլ քեզ են նայում, ով Աստուած.
դու տալիս ես նրանց կերակուր իւր ժամանակին.
բաց ես անում ձեռդ և լիացնում ամենքին քո
աղբմութիւնով:

6. ԱՂՕԹՔ ՃԱՀԻՅ ԵՏՈՅ

Տէր Յիսուս, լցաք ի բարութեանց քոց, տացուք գորութիւն տեառն Աստուծոյ մերո՛ Հօր, Որդւոյ և Հոգւոյն Սրբոյ: Զլիութիւն սեղանոյս անհատ և աննուազ արասցէ Քրիստոս Աստուած մեր, որ զմեզ կերակրեաց և լիացոյց՝ նմա փառք յաւիտեանս. ամէն:

Ո՛վ տէր Յիսուս, լիացանք քո բարիքներով. Հնորակալութիւն անենք մեր տէր Աստծուն—Հօրը, Որդուն և Սուրբ Հօգուն: Մեզ կերակրող և լիացնող Քրիստոս Աստուածը թող անպակաս անէ այս սեղանի լիութիւնը. յաւիտեանս փառք լինի նրանս. ամէն:

7. ԱՂՕԹՔ ՍՈՒՐԲ ԱՍՏՈՒԱԾԱԾՆԻ

Անկանխմբ առաջի քո Աստուածածին. Եւ աղաչեմք զանարատ զկույտդ, Բարեխօսեա՛ զՄիածին որդիդ Փրկել զմեզ ի փորձութենէ Եւ յամենայն վտանգից մերոց:

Քո առաջն ենք ընկնում, Աստուածածին և աղաչում ենք քեզ, սո՛վ անարատ կոյս, բարեխօսիր մեզ համար Միածին որդուդ, որ աղատէ մեզ փորձութիւնից և վտանգներից:

8. ԱՂՕԹՔ ԹԱԿԱՒՈՐԻ ՀԵՄԱՐ

Տէր Աստուած մեր, կեցո՛ զամենաբարեպաշտ թագաւորն և զԿայսրն Ռուսաց զՆիկողայ Ալէքսանդրովիչն: Զորացո՛ղնա. օգնեա զաւակաց և զօրաց նորա՛ պահելով զամենեսին ի խաղաղութեան:

Տէր Աստուած, կեանք տուր ամենայն Ռուսաց ամենաբարեպաշտ թագաւորին ու Կայսր Նիկողայ Ալէքսանդրովիչին: Զօրացրու նրան. օգնիր նրա՛ զաւակներին, զօրրին և ամենքին խաղաղութեան մէջ պահպանիր:

Բ.

9. Տ Ա Ս Ն Պ Ա Տ Ո Ւ Ի Ր Ա Ն

- 1. Ես եմ տէր Աստուած քո:
- 2. Մի՛ արասցես կուռու:
- 3. Մի՛ առնուցուս զանուն Աստուծոյ քո ի վերայ սնտեաց:
- 4. Յիշեսցի՛ր զօր շաբաթու՝ սրբել զնա:
- 5. Պատուեա զհայր քո և զմայր:
- 6. Մի՛ սպանաներ:
- 7. Մի՛ չնար:
- 8. Մի՛ գողանար:
- 9. Մի՛ սուտ վկայեր:
- 10. Մի՛ ցանկանար տան ընկերի քո և մի՛ ամենայնի զինչ ընկերի քո իցէ:

Քո տէր Աստուածը ես եմ:

Կուռք չշինես:

Աստուծու անունը զուր տեղը մի յիշիր:

Չաբաթ օրը սուրբ պահիր:

Քո հօրն ու մօրը պատուիր:

Ոչ որի չսպանես:

Չնուժիւն չանես:

Գողութիւն չանես:

Սուտ վկայութիւն չտաս:

Աչք մի ունենար ո՛չ քո ընկերոջ տանը և ո՛չ նրա ունեցածին:

10. Հ Ա Ի Ա Տ Ո Յ Հ Ա Ն Գ Ա Ն Ա Կ Ը

Հաւատամք ի մի Աստուած ի Հայրն ամենակալ, յարարիչն երկնի և երկրի՝ երևելեաց և աներևութից:

Եւ ի մի տէր Յիսուս Քրիստոս. Որդին Աստուծոյ, ծընեալն Աստուծոյ՝ հօրէ միածին, այսինքն լեռութենէ Հօր:

Աստուած՝ Աստուծոյ, լոյս՝ ի լուսոյ. Աստուած ճշմարիտ Աստուծոյ՝ ճշմարտէ՝ ծնունդ և ոչ արարած, նոյն ինքն ի բնութենէ Հօր, որով ամենայն ինչ եղև լերկինս և ի վերայ երկրի՝ երևելիք և աներևութք:

Որ յաղագս մեր մարդկան և վասն մե-

զաւատում ենք որ կայ մի Աստուած. որ նա ամենակալ Հայր է. երկրնքի ու երկրի՝ երևելիքն երկի և աներևոյթն երկի ստեղծողն է:

Հաւատում ենք, որ Յիսուս Քրիստոսը մեր միակ տէրն է, որ նա Հայր Աստուծու միածին որդին է, այսինքն նրա էութիւնիցն է:

Հաւատում ենք որ նա Աստուած է՝ Աստուծոյ. լոյս է՝ լուսից. ճշմարիտ Աստուած է, ճշմարիտ Աստուծոյ՝ ծնած և ոչ թէ ստեղծուած: Հաւատում ենք, որ նա նոյն Հայր Աստուծու բնութիւնիցն է, որով ամեն բան եղաւ երկիրում և երկրիս վերայ՝ թէ երևելիները և թէ աներևոյթները:

Հաւատում ենք, որ մարդկանցս փրկութեան

րոյ փրկութեան իջեալ
 ի վերկնից՝ մարմնա-
 ցաւ, մարդացաւ. ծը-
 նաւ կատարելապէս
 ի Մարիամայ Սրբոյ
 կուսէն Հոգւոյն Սրբ-
 բով: Որով էառ զմար-
 մին, զհոգի և զմիտ և
 զամենայն որ ինչ է
 ի մարդ՝ ճշմարտապէս
 և ոչ կարծեօք:

Չարչարեալ, խա-
 չեալ, թաղեալ, վեր-
 բորդ աւուր յարու-
 ցեալ. ելեալ ի վեր-
 կինս նովին մարմնով
 նստաւ ընդ աջմէ Հօր:

Գալոցէ նովին մարմ-
 նով և փառօք Հօր
 ի դատել զկենդանիս
 և զմեռեալս, որով թա-
 զաւորութեան ոչ գոյ
 վախճան:

Հաւատամք և ի սուրբ

համար իջաւ երկնից.
 մարմին առաւ. մարդ
 դարձաւ և ծնաւ կատա-
 րեալ կերպով՝ Սուրբ
 Հոգւով՝ Սուրբ կոյս Մա-
 րիամից: Հաւատում ենք,
 որ Սուրբ Հոգւով առաւ
 մարմին, հոգի, միտք և
 այն ամենն՝ ինչ որ կայ
 մարդու մէջ՝ ճշմարիտ
 կերպով և ոչ թէ կար-
 ծեօք:

Հաւատում ենք, որ նա
 չարչարուեց, խաչուեց,
 թաղուեց, երբորդ օրը
 յարութիւն առաւ. նոյն
 մարմնով երկնք համ-
 բարձաւ ու նստաւ Հօր
 աջ կողմը:

Հաւատում ենք, որ նա
 պէտք է զայ նոյն մարմ-
 նով և Հօր փառքով՝
 կենդանիներին ու մե-
 ռածներին դատելու և
 որի թագաւորութիւնը
 անվերջ կլինի:

Հաւատում ենք նաև

Հոգին՝ յանեղն և իկա-
 տարեալն, որ խօսե-
 ցաւ յօրէնս և ի մար-
 դարէս և յաւետա-
 րանս: Որ էջն ի Յոր-
 դանան, քարոզեաց
 զառաքեալն և բնա-
 կեցաւ ի սուրբն:

Հաւատամք և ի մի-
 միայն ընդհանրական
 և առաքելական սուրբ
 եկեղեցի ի մի մկրթ-
 տութիւն, յապաշխա-
 րութիւն, ի քաւու-
 թիւն և ի թողութիւն
 մեղաց, ի յարութիւն
 մեռելոց, ի դատաս-
 տանն յաւիտենից՝
 հոգւոց և մարմնոց,
 յարքայութիւն երկ-
 նից և ի կեանսն յա-
 վիտենականս:

Սուրբ Հոգուն, որ նա ոչ
 որից չէ ստեղծուել. կա-
 տարեալ Աստուած է, որ
 խօսեց օրէնքի, մարդա-
 բների և աւետարաննե-
 րի միջոցով, որ Յորդա-
 նան գետն իջաւ, քարո-
 զեց Աստուաց ուղար-
 կուած Քրիստոսի մասին
 և բնակուեց սրբերի մէջ:

Հաւատում ենք նաև
 մի ընդհանրական և ա-
 ռաքելական եկեղեցու.
 մի մկրտութեան, ապաշ-
 խարութեան, մեղաց քա-
 տութեան, մեռելների յա-
 րութեան, հոգիների և
 մարմինների վերջին դա-
 տաստան լինելուն, եր-
 կնքի արքայութեանը
 և յաւիտենական կեան-
 քին:

Գ.

11. ՍՈՒՐԲ ԿՈՅՍ ՄԱՐԻԱՄԻ ԾԵՆՈՒՆԴԸ ԵՒ ՏԱՃԱՐԻՆ ԸՆԾԱՅՈՒԻԼԸ

Քանանացւոց երկրում մի քաղաք կար՝ անունը Նազարէթ: Այդ քաղաքում ապրում էր մի բարեպաշտ մարդ Յովակիմ՝ անունով իւր Աննա կնոջ հետ: Սրանք որդի չունէին, դրա համար էլ շատ էին տիրում և Աստծուն ամեն օր աղօթում էին, որ իրանց մի զաւակ պարգևէ: Մի անգամ էլ աղօթելիս խոստացան, որ եթէ Աստուած իրանց խնդիրը լսէ և մի որդի պարգևէ, Աստծուն կընծայեն: Աստուած լսեց բարեպաշտ ծնողների աղօթքը և մի աղջիկ պարգևեց նրանց, որի անունը Մարիամ դրին: Երբ աղջիկը երեք տարեկան դարձաւ, Յովակիմն ու Աննան, ինչպէս խոստացել էին, նրան տաճար տարան և ընծայեցին Աստծուն: Մարիամը մնաց տաճարում. քահանայապետը նրա ուսուցիչն էր, սովորեցնում էր նրան, թէ Աս-

տրծուն ինչպէս պէտք է ծառայել: Մարիամը մնաց տաճարում մինչև 14 տարեկան դառնալը: Նա այնտեղ պարապում էր աղօթքով և սուրբ գիրք կարդալով:

Մի քանի ժամանակից ետոյ քահանաները Մարիամին յանձնեցին իւր ազգական Նազարէթցի ծերունի Յովսէփին, որի մօտ և ապրում էր: Յովսէփն արհեստով հիւան էր:

Սուրբ կոյս Մարիամի ծննդեան տօնը կատարում ենք սեպտեմբերի 8-ին, իսկ տաճարին ընծայուիլը՝ նոյեմբերի 21-ին:

12. Ա Ի Ե Տ Ո Ւ Մ Ն

Մի անգամ երբ Մարիամն աղօթում էր, Գաբրիէլ հրեշտակը երևաց նրան և ասաց. «Ուրախացի՛ր, Մարիամ, Աստուած քեզ հետ է»: Երբ Մարիամը հրեշտակին տեսաւ, վախեցաւ ու մտածում էր, ի՞նչու համար է հրեշտակն իւր մօտ գալիս և ողջունում: Հրեշտակն ասաց. «Մի՛ վախիր, Մարիամ, Աստուած քեզ շատ է սիրում. դու մի որդի կունենաս և նրա անունը

Յիսուս կղնես. նա Աստծու որդի կկոչուի
և բոլոր մարդկանց փրկիչը կլինի:

Մարիամը չհակառակեց: Նա խոնարհ
պատասխանեց և ասաց. «Ես Աստծու ա-
ղախինն եմ, ինչպէս նրա կամքն է, թո՛ղ
այնպէս էլ կատարուի»: Սրանից ետոյ հրեշ-
տակը հեռացաւ Մարիամից:

Գաբրիէլ հրեշտակի Մարիամ կուսին աւետիք
տալը՝ տօնում ենք ապրիլ ամսի եօթին: Այդ տօնի
անունն է Աւետումն:

13. Ք Ր Ի Ս Տ Ո Ս Ի Ծ Ն Ո Ւ Ն Դ Ը

Հին ժամանակ, երբ թագաւորներն
ուզում էին խմանալ, թէ իրանց երկրի մէջ
քանի մարդ կայ, հրամայում էին, որ ա-
մեն մարդ գնալ իւր հայրենի քաղաքը և
ապա սկսում էին համարել: Այդպիսի մի
հրաման դուրս եկաւ հէնց այն ժամանակ-
ներում, երբ Յիսուս Քրիստոսը պիտի
ծնուէր:

Յիսուսի ծնողները—Յովսէփն ու Մա-
րիամը կենում էին Նազարէթ քաղաքում:

Քալց որովհետեւ Յովսէփը Բեթղէհէմցի էր,
այդ պատճառով վերկացաւ և շտապով ե-
կաւ իւր հայրենի քաղաքը: Յովսէփն աղ-
քատ էր. քաղաքի մէջ չկարողացաւ տուն
վարձել, դրա համար վեր եկաւ քաղաքից
դուրս մի այրի մէջ, ուր հովիւները վատ
եղանակին իրանց ոչխարներն էին բերում:

Այդ գիշեր Յիսուս ծնաւ: Ծնողները բա-
րուրի մէջ փաթաթեցին և մարի մէջ դրին:

Բեթղէհէմը մեր երկրի նման ցուրտ
այնտեղ տաք է— ձմեռը դրսում կարելի է
քնել: Այն երկրի հովիւները ամառ ձմեռ ի-
րանց ոչխարները դուրսն են պահում, միայն
անձրևային եղանակին այրն են բերում:

Երբ Յիսուս ծնաւ, ոչ ոք չգիտէր—
հովիւներն դաշտումն էին և իրենց ոչխար-
ներն էին արածացնում: Յանկարծ օդի
մէջ հրեշտակ երևաց: Այս բանից հովիւ-
ները վախեցան: Հրեշտակն ասաց. «Մի՛
վախենաք, ես ձեզ և բոլոր մարդկանց մեծ

36117-66

БЛЖИМОНА
ИНСТИТУТ
ВОСТОКОВЕДЕНИЯ
и
С. С. С. Р.



ուրախութիւն եմ յայտնում— ձեզ համար
 Բեթղէհէմում փրկիչ է ծնել. նա ալրումն
 է. խանձարուրով պատած և մարի մէջ
 դրած»: Այս խօսքերից ետոյ՝ յանկարծ մի
 խումբ հրեշտակներ երևացին, որոնք եր-
 գում էին և ասում. «Փառք ի բարձունս
 Աստուծոյ և յերկիր խաղաղութիւն, ի մար-
 դիկ հաճութիւն» — փառք Աստծուն եր-
 կնւումը, այսունետե երկրիս վրայ խա-
 զաղութիւն և մարդկանց մէջ ուրախու-
 թիւն կրին:

Այսունետե հրեշտակները հեռացան: Հո-
 վիւներն ասացին մէկ մէկու. «Քնանք Բեթ-
 ղէհէմ և տեսնենք այս ինչ բան է, որ Աս-
 տուած ցոյց տուաւ մեզ»: Նրանք շտա-
 պով եկան և դտան Մարիամին, Յովսէ-
 փին և մանկանը խանձարուրով փաթա-
 թած ու մարի մէջ դրած: Երբ տեսան,
 փառք տուին Աստծուն և ամեն պատու-
 հողի ասում էին, որ փրկիչը ծնուել է:

Յիսուսի ծնունդը կատարում ենք յունւարի 6-ին:

ՀԱՐԱԿԱՆ ԾՆՆԻՒՄՆ

Խորհուրդ մեծ եւ սքանչելի
 Որ յայսմ աւուր յայտնեցաւ,
 Հովիք երգեն ընդ հրեշտակս՝
 Տան աւետիս աշխարհի:

Մեծ և զարմանալի խորհուրդ է, որ ալսօր յայտ-
 նուեց — հովիւները հրեշտակների հետ երգում են և աշ-
 խարհին աչքալոյս տալիս:

Ծնաւ նոր սրբայ
 ՚ի Բեթղէհէմ քաղաքի,
 Որդիք մարդկան օրհնեցէք,
 Զի վասն մեր մարմնացաւ:

Նոր թագաւոր ծնաւ Բեթղէհէմ քաղաքում, մարդ-
 կանց որդիք, օրհնեցէք, որովհետե նա մեզ համար
 ծնաւ:

14. ՅԻՍՈՒՍԻՆ ՏԱՆՈՒՄ ԵՆ ՏԱՃԱՐ

Հրէաների մէջ սովորութիւն էր, որ
 անդրանիկ արու զաւակ ունեցողները՝ քա-
 ռաաններորդ օրը գնում էին Երուսաղէմի
 տաճարը. մանկանը նուիրում էին Աստը-
 ծուն. զոհ էին անում և ետ գնում: Հա-

րուստ ծնողները զոհում էին մի գառը, իսկ աղքատները՝ մի զուգ աղաւնի կամ տատրակ:

Յիսուսի ծննդեան քառասներորդ օրը ծնողները տարան նրան Երուսաղէմի տաճարը և որովհետև նրանք աղքատ էին, հետները վերցրին մի զուգ աղաւնի:

Այդ ժամանակ Երուսաղէմում կենում էր մի ծերունի՝ Սիմէօն անունով: Սուրբ Հոգին սրան իրաւունք էր տուել կենդանի մնալ՝ մինչև Քրիստոսի աշխարհ գալը: Երբ Յիսուսին տաճար բերին, Սիմէօն ծերունին իմացաւ. դուրս եկաւ նրա առաջ. փառք տուաւ Աստծուն և ասաց. «Տէր Աստուած, այժմ ա՛ռ իմ հոգին, որովհետև ես տեսայ Փրկչին, որին սպասում էի»: Յովսէփն և Մարիամը զարմանում էին այս խօսքերի վրայ:

Տաճարում մի կին էլ կար՝ Աննա անունով, սա մարգարէուհի էր: Աննան ևս փառաբանում էր Աստծուն և ամենին

պատմում էր, որ Յիսուս խոստացեալ Փրկիչն է:

Այս տօնը կատարում ենք փետրուարի 14-ին. տօնի անունն է—Տ Ե ա ո ն ը ն դ ա ո ա ջ:

15. ՏԵՍՆԵՐԿՈՒ ՏԱՐԵԿԱՆ ՅԻՍՈՒՍ ԳԵՈՒՄ Է ՏԱՃԱՐ:

Հրէաները մեզ նման ամեն քաղաքում կամ գիւղում եկեղեցիներ չունէին, ամբողջ երկրի մէջ մի հատ տաճար կար, այն էլ Երուսաղէմ քաղաքումն էր: Դրա համար ամեն տարի անթիւ ուխտաւորներ էին գալիս, մանաւանդ Չատկի տօնին: Ուխտաւորներն այնքան շատ էին լինում, որ քաղաքի մէջն այլ ևս տեղ չէր լինում — քաղաքից դուրս լեռների վրայ վրաններ էին խփում: Տօնը եօթն օր էր տևում:

Յիսուսի ծնողներն էլ Չատկի տօնին ամեն տարի ուխտ էին գնում: Երբ Յիսուս ասան երկու տարեկան դարձաւ, նրան էլ հետները տարան: Այս առաջին ան-

գամն էր, որ Յիսուս գնում էր Աստծու տունն աղօթելու:

Տօնի օրերն անցան: Ծնողները կամե- նում էին Նազարէթ դառնալ, բայց յան- կարծ տեսան, որ Յիսուս մանուկն այլ ևս չկայ: Քաղաքի մէջ երկար փնտուեցին, բայց իզո՛ւր: Կարծում էին թէ ծանօթնե- րի հետ Նազարէթ դարձած կլինի, դրա համար մի օրուայ ճանապարհ եկան. գտան իրանց ծանօթներին. հարցու փորձ արին, տեսան որ չկայ: Նորից ետ դարձան Երու- սաղէմ: Մի օր էլ այստեղ փնտուեցին և հազիւ երրորդ օրը տաճարում գտան:

Յիսուս այստեղ վիճաբանում էր վար- դապետների հետ—նրանց հարցեր էր տա- լիս և պատասխանում առաջարկած հար- ցերին: Ամենքն էլ զարմանում էին նրա իմաստուն պատասխանների վրայ:

Ծնողներն այս օր տեսան, շատ ու- րախացան: Մայրն ասաց. «Որդեա՛կ, այդ ինչ բերիր մեր գլխին—այս երեք օր է,

որ ես և հայրդ քեզ ենք փնտուում»: Յի- սուս պատասխանեց. «Մի՞թէ չգիտէիր, որ ես իմ Հօր տանը կլինեմ»: Սրանից ետոյ Յիսուս ծնողների հետ Նազարէթ դարձաւ, հնազանդ էր և լսում էր նրանց խօսքին:

Փոքրիկ մանուկներ, դուք էլ Յիսուսի նման պիտի սիրէք Աստծու տունը և հնազանդ լինէք ձեր ծնողներին:

16. ՅԻՍՈՒՍԻ ՄԿՐՏՈՒԹԻՒՆԸ

Յորդանան գետի ափերում մի իմաս- տուն մարդ էր բնակում՝ Յովհաննէս ա- նունով: Նա մարդարէ էր—մարդիկ ամեն կողմից սրա մօտ էին գալիս. խորհուրդ էին հարցնում և խոստովանում էին իրանց մեղքերը: Ով իւր սխալները խոստանում էր չկրկնել, Յովհաննէսը նրան մկրտում էր Յորդանան գետի մէջ: Սրանով Յով- հաննէսն ուղում էր ասել, ինչպէս որ ես ձեր մարմինը մաքրում եմ, այնպէս էլ զուք ձեր սրտերը պիտի մաքրէք:

Յիսուս ևս եկաւ Յովհաննէսի մօտ՝
 մկրտուելու: Նա արդէն 30 տարեկան էր:
 Դեռ չէր մօտեցել Յիսուս, Յովհաննէսը
 հեռուից ձանաչեց նրան և բարձր ձայ-
 նով ասաց իւր մօտ կանգնողներին. «Ահա՛
 գալիս է Աստծու գառը, սա պէտք է
 մարդկանց ազատէ իրանց մեղքերից»:

Յիսուս մօտեցաւ Յովհաննէսին և յայտ-
 նեց, որ կամենում է նրանից մկրտուել:
 Յովհաննէսը մերժեց և ասաց. «Ես պէտք
 է քեզնից մկրտուեմ, դո՞ւ ես ինձ մօտ
 գալիս»: Յիսուս պատասխանեց. «Մկրտի՛ր
 ինձ, որովհետեւ դու տարիքով ինձնից մեծ
 ես»: Սրանից ետոյ Յովհաննէսը չհակառա-
 կեց և մկրտեց Յիսուսին Յորդանան գե-
 տի մէջ:

Երբ Յիսուս մկրտուեց և ջրից դուրս
 եկաւ, երկինքը բացուեց. Սուրբ Հոգին
 աղաւնու կերպարանքով իջաւ Յիսուսի
 վրայ. երկինքը բացուեցաւ և ձայն եկաւ,

որ ասում էր. «Դա է իմ սիրելի որդին»,
 դրան լսեցէ՛ք»: Շատ քիչ մարդիկ գիտէին,
 որ Յիսուս Աստծու որդին էր, բայց այժմ
 պարզ կերպով տեսան և հաւատացին, որ
 Քրիստոս Աստծու որդին է: Դրա համար
 էլ մկրտութեան օրը՝ մարդիկ իրար շնոր-
 հաւորում են և ասում. «Շնորհաւոր յայտ-
 նութիւն»:

Յիսուսի մկրտութեան տօնն ամենայն տարի
 կատարում ենք յունուարի 6-ին:

16. Մ Ա Ր Ի Ա Մ Ե Ի Մ Ա Ր Թ Ա

Յիսուս իւր մկրտութիւնից ետոյ սկսեց
 շրջել երկրի մէջ և ամեն տեղ քարոզում
 էր ու բժշկում—կուրերին աչք էր տալիս.
 կաղերին՝ ոտք. խուլերին՝ լսողութիւն և
 մեռելներին՝ յարութիւն: Ով տխուր էր,
 մխիթարում էր. հարուստներին ասում էր,
 որ իրանց ունեցածից աղքատներին էլ
 բաժին հանեն: Վատ մարդկանց խրա-

տում էր, որ լաւանան, ապա թէ ոչ Աստուած կպատժէ: Այսպէս Յիսուս օր ու գիշեր հանգիստ չունէր, շրջում էր ամեն տեղ և քարոզում էր մարդկանց, որ վատ բաներից հեռանան և լաւ բաներ անեն: Յիսուս այնպէս սիրուն քարոզում էր, որ լսողները հաց ուտելն անգամ մոռանում էին: Բայց այս բանը դուր չէր գալիս նրա թշնամի քահանաներին և փարիսեցիներին, որոնց մօտ ժողովուրդն այլ ևս չէր գնում քարոզ լսելու, այս պատճառով էլ թշնամացան Քրիստոսի հետ: Յիսուս ինչ որ խօսքով քարոզում էր, նայնը դործով էլ ցոյց էր տալիս:

Այսպէս՝ մի անգամ Յիսուս քարոզելով եկաւ իւր ծանօթ Ղազարոսի մօտ, որ կենում էր Բեթանիա գիւղում՝ Երուսաղէմին մօտիկ: Այս Ղազարոսը երկու քուր ունէր. մինի անունը Մարիամ էր, իսկ

միւսինը՝ Մարթա: Երկու քուրերն էլ Յիսուսին շատ էին յարգում: Երբ իմացան, որ Յիսուս հիւր է եկել, է՛լ շփտէին թէ ինչպէս պատիւ տան նրան: Մարիամը նստեց Յիսուսի մօտ և ուշադրութեամբ լսում էր նրա քարոզները: Յիսուսի խօսքերն այն աստիճան դուր եկան Մարիամին, որ նա ամենայն ինչ մոռացաւ: Իսկ Մարթան մեծ պատրաստութեան մէջ էր — աշխատում էր, որքան կարելի է, լաւ կերակուրներ պատրաստել Յիսուսի համար:

Մարթան երբ տեսաւ, որ Մարիամը չի գալիս իրան օգնելու, դարձաւ Յիսուսին և ասաց. «Տէ՛ր, չե՞ս տեսնում, որ քուրս ինձ մենակ է թողել, ասա՛, որ գալ և ինձ օգնէ»: Յիսուս պատասխանեց. «Մարթա՛, Մարթա՛, դու շատ բաներով ես դբազուում, քիչն էլ բաւական է: Դու կարող ես քօ քուր Մարիամից օրինակ վերցնել, նա աւելի լաւ ձեռով է պատում

ինձ, նա լսում է իմ քարոզները—ով ինձ
ուզում է յարգել, թո՛ղ իմ խօսքերը լսէ:

Դրանով Յիսուս ուզում է ասել, որ Մարիամի
նման լսող, իսկ Մարթայի պէս աշխատասէր լինենք:

18. Յ Ո Ի Դ Ա

Յիսուս ունէր 12 աշակերտ. նրանք
կոչում են առաքեալներ: Սրանցից մինը,
որի անունը Յուդա էր, լաւ մարդ չէր,
փող շատ էր սիրում: Մի անգամ սա ծա-
ծուկ գնաց Յիսուսի թշնամիների մօտ և
ասաց. «Ինձ ի՞նչ կտաք, որ Յիսուսին ձեզ
մատնեմ»: Նրանք էլ երեսուն արծաթ
փող խոստացան:

Չատկի տօնը մօտեցել էր: Յիսուս տե-
սաւ, որ Յուդան պիտի մատնէ և իւր
մահը մօտենում է, ուզեց մի անգամ էլ
իւր բոլոր աշակերտների հետ միասին
Չատկի ընթրիքն ուտել և էլի մի անգամ
ցոյց տալ, թէ որքան սիրում է նրանց:

19. Ո Տ Ն Ա Լ Ո Ի Ա Յ

Աւագ հինգշաբթի օրը Յիսուս ասաց
իւր աշակերտներին, որ մի վերնատան մէջ
ընթրիք պատրաստեն: Աշակերտներն էլ
այնպէս արին, ինչպէս որ Յիսուս ասաց:
Երեկոյեան Յիսուս տասն և երկու աշա-
կերտների հետ սեղան նստաւ և ասաց.
«Սրտով ցանկացա՛յ այս ընթրիքը ձեզ հետ
ուտել՝ մահիցս առաջ»: Այս ասելուց ետո՛յ՝
Յիսուս ընթրիքից վեր կացաւ, հանեց վե-
րևի շորերը, մէջքին մի սրբիչ կապեց. շուրն
ածեց կոնքի (աւազանի) մէջ և սկսաւ ա-
շակերտների ոտները լուանալ և սրբել: Ոտ-
ները լուանալուց ետո՛յ՝ ընթրիքի նստաւ
և տխուր ձայնով ասաց իւր աշակերտնե-
րին. «Չեղանից մինն այս գիշեր ինձ պի-
տի մատնէ»: Այս նրա համար ասաց, որ
կարելի է իրան մատնող աշակերտն զգու-
շանալ, բայց ի զուր: Յուդան այնպէս էր
ցոյց տալիս իրան, որպէս թէ ինքը չէ
մատնողը և ոչինչ չգիտէ:

Աշակերտներն այս խօսքերի վրայ տրտմեցան և միմեանց էին նայում. չգիտէին թէ ում համար է ասում: Ամեն մէկը տեղից վեր էր կենում և հարցնում. «Տէ՛ր. մի՞թէ ես եմ»: Յուզան էլ հարցրեց. «Մի՞թէ ես եմ, վարդապետ»: Յիսուս պատասխանեց. «Գու ես ասում, ետոյ աւելացրեց. «գնա՛, ինչ որ անելու ես, շուտով արա՛»: Յուզան երբ տեսաւ, որ իւր մատնութիւնը գիտէ Յիսուս, ամօթից էլ չկարողացաւ մնալ աջտեղ, վերկացաւ և գնաց Յիսուսի թշնամիների մօտ: Արդէն երեկոյ էր — մթնել էր:

Աւագ հինգշաբթի օրը քահանան եկեղեցում կատարում է սոնալուայի կարգը և կարագ լուղ է բաժանում:

ՈՏՆԵԼՈՒՆՅՈՒ ԶԱՐԵԿՆԵ

Այսօր կանգնեցաւ աւագան մկրտութեան ի թողութիւն մեղաց մերոց:

Մկրտութեան աւագանն այսօր հաստատուեցաւ մեր մեղքերի թողութեան համար:

Այսօր Տէրն մեր լուանայր դոտս աշակերտաց և պատուիրէր զայս ասելով:

Այսօր մեր տէր Յիսուս լուանում էր իւր աշակերտների ստները և պատուիրելով ասում էր.

Մի ոմն ՚ի ձէնջ, ասէ, եղբարք, մատնելոց է զիս ՚ի մահ և որոշի յաշակերտացդ»:

«Ձեզանից մէկը, եղբայրներ, ինձ մահուան պիտի մատնէ և հեռանայ աշակերտներիցդ»:

20. Խ Ո Ր Ն Ր Գ Ն Ի Ո Ր Ը Ն Թ Ր Ի Ք

Երբ Յուզան դուրս գնաց, Յիսուս ասաց. «Ձեզ մօտ երկար չեմ կարող մնալ, դուք իրար աջնպէս պիտի սիրէք, ինչպէս որ ես ձեզ սիրեցի — սրանով ձեզ կճանաչեն, որ դուք իմ աշակերտներն էք»:

Բացի սրանից Յիսուս կամեցաւ մի ուրիշ փշատակ էլ թողնել, որ երբ ինքն այլ ևս երկրի վրայ չի լինի, իրան միշտ լինեն: Ուստի ընթրիքից ետոյ առաւ բազարջ հաց. օրհնեց. կտրեց. աշակերտներին բաժանեց և ասաց. «Առէ՛ք կե-

րէ՛ք, այս է իմ մարմինը»: Ետոյ մաքուր գինին առաւ. գոհացաւ. տուաւ նրանց և ասաց. «Խմեցէ՛ք դրանից ամենքդ, սա իմ արիւնն է—ամեն անգամ երբ խմէք այս բաժակից, լիչեցէ՛ք ինձ»:

Մենք էլ այժմ տօն օրերին սուրբ պատարագ ենք մատուցանում. գնում ենք եկեղեցի. քահանային խոստովանում ենք և պատարագից ետոյ ընդունում սուրբ հաղորդը բաղարջ հացի և անապակ գինու օրինակով: Սա միւսնոցն է, ինչ որ Յիսուս վերնատանը կատարեց:

Պատարագին շատ երգեր են երգում, բայց նրանցից մի քանիսը միայն կսովորենք:

Ամենայնի օրհնեալ ես Տէր, օրհնեմք զքեզ, գովեմք զքեզ, գոհանամք զքէն, Տէր Աստուած մեր:

Ամեն բանի մէջ օրհնուած ես, Տէր, օրհնում ենք քեզ (որովհետեւ մեզ համար շատ բարութիւն ես արել), գովում ենք քեզ (որովհետեւ դու չարչարուեցար և մեզ համար խաղաղութիւն բերիր), գոհանում ենք քեզնից, աղաչում ենք քեզ, մեր տէր Աստուած:

Միայն Սուրբ. Միայն Տէր. Յիսուս Քրիստոս ՚ի փառս Աստուծոյ հօր. ամեն:

Եղիցի անուն Տեառն օրհնեալ յայսմ հետէ մինչև յաւիտեան:

21. ՅԻՍՈՒՍ ԳԵԹՍԵՄԱՆԻ ՊԱՐՏԻՉՈՒՄ

Հացն օրհներուց ետոյ՝ Յիսուս իւր աշակերտների հետ դուրս եկաւ Երուսաղէմից և բարձրացաւ Չիթենեաց լեառը: Այստեղ Յիսուս ասաց աշակերտներին. «Ինձ պիտի բռնեն, իսկ դուք ամենդ էլ կվախենաք, կթողնէք ինձ և կփախչէք»: Աշակերտներն ամենն էլ միաբերան ասացին. «Մենք կմեռնենք՝ բայց քեզ չենք թողնի մենակ և չենք փախչի»:

Չիթենեաց լեռան կողքին մի սլարտէզ կար՝ Գեթսեմանի անունով: Յիսուս այստեղ եկաւ և ասաց իւր աշակերտներին. «Աստեցէ՛ք այստեղ. աղօթեցէ՛ք. արթուն կացէք. չքնէք, որ փորձութեան մէջ չընկնէք, իսկ ինքը մի փոքր առաջ

գնաց, երեսի վրայ ընկաւ և այսպէս էր աղօթում. «Հա՛յր, եթէ կարելի է այս շարանքը (բաժակը) հեռացրու ինձնից, բայց եթէ չես կամենայ, քո կամքն է»։ Յիսուս աղօթքից դարձաւ և տեսաւ, որ աշակերտները քնել են, նորից ասաց. «Արթուն կացէք և աղօթեցէք, որ փորձութեան մէջ չընկնէք»։ Այս ասաց և դարձեալ գնաց աղօթելու և նոյն խօսքերն էր կրկնում և օգնութիւն խնդրում հօրից։ Յիսուս դարձաւ և աշակերտներին էլի քնած գտաւ ու ասաց. «Քանի՞ քնէք, հասաւ ժամը, երբ Յուդան ինձ պիտի մատնէ, վեր կացէք գնանք, ահա՛ գալիս է նա»։

22. ՅԻՍՈՒՍԻ ՄԱՏՆՈՒԹԻՒՆԸ

Այս խօսքերից ետոյ Յուդան բազմաթիւ գինուորներով ներս մտաւ պարտէզ սրերով և լապտերներով։ Եկողները Յիսուսին չէին ճանաչում։ Յուդան նշան էր

տուել, թէ ումը որ համբուրեմ՝ նրան բռնեցէք»։ Մատնիչը մօտեցաւ Յիսուսին, համբուրեց և ասաց. «Քարե, վարդապետ»։ Յիսուս պատասխանեց. «Յուդա՛, համբուրելով ես մատնում ինձ»։ Այն ժամանակ մօտեցան Յիսուսին, բռնեցին և կապեցին, իսկ աշակերտները թողին և փախան։

23. ՅԻՍՈՒՍ ՔԱՀԱՆՆՅԱԳԵՏԻ ԱՌԱՋ

Ղինուորները Յիսուսին կապած տարան քահանայապետի մօտ։ Այստեղ ժողոված էին Քրիստոսի թշնամիները, որ նրա համար մահու պատիժ նշանակեն։ Քրիստոս, ի հարկէ արդար էր. նա Աստուած էր. բացի լաութիւնից ոչ մէկին վատութիւն չէր արել, բայց նրա թշնամիներն ուղում էին, որ մեղաւոր դուրս բերեն, որպէսզի կարողանան սպանել, դրա համար սուտ վկաներ պատրաստեցին, որոնք հաս-

տատում էին, թէ Յիսուս Աստծուն հաշ-
 հոյել է, անպիսի մարդուն սպանում էին։
 Այստեղ թքեցին Յիսուսի երեսին. բռունց-
 քով ծեծեցին, ծաղրեցին և մինչև լու-
 սանալը չարչարեցին։

24. Յ Ո Ւ Դ Ա Յ Ի Մ Ա Յ Ը

Յուզան երբ տեսաւ, որ իւր մատնու-
 թիւնով Յիսուսի համար մահու սլափիժ
 նշանակեցին, խիղճը տանջեց իրան. վեր
 առաւ երեսուն արծաթը. ետ տուաւ քա-
 հանապապետներին և ասաց. «Ես սխա-
 լուեցի, անմեղ արիւն մատնեցի»։ Նրանք
 էլ պատասխանեցին, թէ մե՛ղ ինչ, դո՛ւ
 գիտես, ինչ ուզում ես արա՛»։ Այն ժա-
 մանակ Յուզան փողը դէն ձգեց և գնաց
 խեղդուեց, որովհետև քանի լիշում էր Յի-
 սուսի արած լաւութիւնները և իւր վա-
 տութիւնը, չգիտէր թէ ինչ անէր, քուն
 չունէր, հանգատութիւն չունէր։

25. Յ Ի Ս Ո Ւ Ս Պ Ի Զ Ա Տ Ո Ս Ի Ա Ռ Ա Ջ

Հինգշաբթի գիշեր հրէաները Յիսուսի
 համար մահուան վճիռ նշանակեցին, իսկ
 ուրբաթ առաւօտը վաղ՝ կապած տարան
 Պիղատոս դատաւորի մօտ, որ իրանց վճի-
 ուր հաստատէ, որովհետև հրէաները իրա-
 ւունք չունէին մահու վճիռ տալու—երկ-
 րի մէջ ամենամեծ դատաւորը Պիղատոսն
 էր, որին կայսրն էր նշանակել։

Պիղատոսը դուրս եկաւ նրանց մօտ և
 ասաց. «Ի՞նչ դանդատ ունիք այս մարդու
 դէմ»։ Նրանք պատասխանեցին. «Սա ժո-
 դովրդին մոլորեցնում է, ասում է կայսեր
 հարկ մի՛ տաք և իրան թագաւոր է ա-
 նուանում»։ Այս որ լսեց Պիղատոսը՝ Յի-
 սուսին ներս տարաւ սենեակը, քննեց և
 տեսաւ, որ բոլորն էլ սուտ է—նախան-
 ձում են, որ Յիսուս իրանցից լաւ է քա-
 ըողում և իրանց սխալները բռնում է։
 Պիղատոսը դուրս բերաւ Յիսուսին և լացո-

նեց ժողովրդին, որ նա արդար է:
 Քահանայապետները և ժողովուրդը սկսեցին աղաղակել և ասել. «Եթէ դու մեր վճիռը չես հաստատի, մենք կայսեր գանգատ կանենք»: Պիղատոսը վախեցաւ այս բանից—մէկ որ կայսրից վախենում էր և մէկ էլ չէր ուզում մի մարդու համար մեծամեծ մարդկանց նեղացնել, ուստի վեր առաւ ջուր, ձեռները լուաց և ասաց. «Ես Յիսուսին մեղաւոր չեմ գտնում. դուք գիտէք, տարէք և խաչեցէ՛ք»: Այս բանի վրայ ժողովուրդը սկսեց միաբերան աղաղակել և ասել. «Թո՛ղ դրա արիւնը մեր և մեր որդւոց գլխին լինի»:

26. Յ Ի Ս Ո Ւ Ս Ի Խ Ա Չ Ե Լ Ո Ւ Թ Ի Ի Ն Ը

Երբ Յիսուսին խաչելու հրամանն առան հրէաները, ուրբաթ առաւօտ զինուորները վեր առան նրան և տարան, որ խա-

չեն: Յիսուս ինքն էր տանում իւր խաչափայտը. նա շատ էր յոգնել, որովհետեւ ամբողջ հինգշաբթի գիշերը չէր քնել, ուստի ճանապարհին վայր ընկաւ խաչափայտի տակ:

Երուսաղէմի մօտ մի բլուր կար՝ անունը Գողգոթա: Արոչեցին որ Յիսուսին այնտեղ խաչեն:

Երբ Գողգոթա հասան, Յիսուսի ձեռները և ոտները խաչի վրայ մեխեցին— խաչեցին: Պիղատոսը խաչի վերևում մի տախտակ կայցնել տուաւ և նրա վրայ գրել տուաւ, թէ Յիսուսի լանցանքն ինչ է և թէ նրան ինչու են պատժում: Տախտակի վրայ գրուած էր— «Յ Ի Ս Ո Ս Ա Մ Ա Պ Վ Բ Ե Գ Ի Թ Պ Ա Պ Ա Ն Ո Ր Հ Ր Է Ի Կ »: Յիսուսի հետ երկու աւագակ էլ խաչեցին, մինը նրա աջ կողմում, իսկ միւսը՝ ձախ:

Թէև թշնամիները նախանձից խաչել տուին, բայց Յիսուս էլի աղօթում էր նրանց համար և խնդրում էր հայր Աստծուն, որ ներէ նրանց սխալը: Զինուորները և հրէա-

ները ծաղրում էին Յիսուսին և ասում էին՝
«Եթէ դու Աստուած ես, եթէ դու հրէաների
թագաւորն ես, ի՞նչու չես ազատում քեզ»:

Յիսուսի խաչի մօտ էին կանգնած
մայրը և Յովհաննէս աշակերտը: Յիսուս
ցաւում էր մօր վրայ, ուստի Յովհաննէսին
յանձնեց, որ պահէ իւր մօրը: Այն օրից
սկսած՝ Մարիամը Յովհաննէսի մօտն էր:

Ժամը տասներկուսին երկրի վրայ խա-
ւար իջաւ: Ժամը երեքին՝ ճաշից ետոջ
Յիսուս ասաց. «Ծարաւ եմ»: Չինուորնե-
րից մինը խղճաց նրան, սպունգը քացա-
խի մէջ թաթախեց և Յիսուսի շրթունքին
մօտեցրեց, որ ճաշակէ և ցաւը մեղմէ,
որովհետև այդ խմելիքը փոքր ինչ թմրեց-
նում է:

Սրանից ետոյ Յիսուս բարձր ձայնով
ասաց. «Հա՛յր, հոգիս քեզ եմ յանձնում»:
Այս ասաց և հոգին աւանդեց:

Այդ միջոցին երկիրը շարժուեց, ժայ-
ռերը պատառուեցան և շատ գերեզման-

ներից արդար մարդիկ յարութիւն առան:
Այս օր տեսան, ամենքը լաց էին լինում
և ասում էին. «Ուղիղ որ Յիսուս Աստծու
որդի է, մենք նրան ի գուր խաչեցինք»:

Խ Ա Չ Ե Լ Ո Ի Թ Ե Ա Ն Ե Ր Գ

Խաչի քո Բրիստոս երկրպագանեմք և զսուրբ
խաչելութիւնդ քո մեծացուցանեմք և զսուրբ թա-
ղումդ քո փառաւորեմք:

Քրիստոս, քո խաչին երկրպագութիւն ենք տալիս
և քո սուրբ խաչելութիւնը մեծացնում ենք (չարգում
ենք), իսկ քո սուրբ թաղումը փառաւորում ենք:

Եկայք հաւատացեալք, երկրպագեսցուք Բրիս-
տոսի Աստուծոյ մերոյ, վասն զի եկն ի ձեռն խա-
չին իւրոյ շնորհեաց զպարգեւս աշխարհի:

Եկեք, ով հաւատացեալներ, երկրպագութիւն տանք
մեր Քրիստոս Աստծուն, որովհետև նա եկաւ և իւր խա-
չովն աշխարհիս պարգևներ շնորհեց:

Սուրբ Աստուած, սուրբ և հզօր, սուրբ և
անմահ, որ խաչեցար վասն մեր ողորմեա մեզ-

27. Թ Ա Ղ Ո Ի Մ Ն

Ուրբաթ երեկոյ Յիսուս մեռաւ: Միւս օրը՝ շաբաթ էր և հրէաների զատիկն էր— եթէ Յիսուսին խաչի վրայ տեսնէին, հանգիստ սրտով հաց չէին ուտի, դրա համար էլ գնացին Պիղատոսի մօտ և խնդրեցին, որ իրաւունք տայ Յիսուսի մարմինը խաչի վրայից վերցնելու: Պիղատոսը երբ իմացաւ, որ Յիսուս մեռել է, իրաւունք տուաւ:

Զինուորներից մինը կամեցաւ ճիշտ իմանալ Յիսուսի մահը, վեր առաւ գեղարդը, ծակեց կողը, որտեղից արիւն և ջուր բղխեց:

Սրանից ետոյ մի իշխան մարդ՝ անունը Յովսէփ, որ Յիսուսի ծածուկ աշակերտն էր, Պիղատոսից խնդրեց, որ Յիսուսի մարմինն իրան տան: Մի ուրիշ աշակերտ էլ՝ Նիկողիմոս անունով, եկաւ և բերաւ անուշահոտ խնկեր: Սրանցով օծեցին Յիսուսի մարմինը, կտաւով պատեցին և թաղեցին:

Այնտեղ, ուր Յիսուսին թաղեցին, մի պարտէզ կար, պարտէզումն էլ մի նոր

փորած գերեզման: Ահա՛ այստեղ դրին Յիսուսի մարմինը՝ մի մեծ քար էլ գլորեցին դրանն ու գնացին:

28. Յ Ի Ս Ո Ի Ս Ի Յ Ա Ր Ո Ի Թ Ի Ի Ն Ը

Շաբաթ օրը հրէաները ոչ մի բանի ձեռք չեն տալիս, սրա համար էլ այդ օրը ոչ ոք չգնաց Յիսուսի գերեզմանը տեսնելու: Բայց երբ շաբաթն անցաւ՝ կիւրակէ առաւօտը վաղ, դեռ արևը դուրս չէր եկել՝ Մարիամ Մագթաղենացին և ուրիշ կանայք զանազան անուշահոտ խնկեր պատրաստեցին և եկան, որ Քրիստոսի մարմինն օծեն:

Կանայք ճանապարհին ասում էին միմեաց. «Ո՞վ կգլորէ գերեզմանի բերանի մեծ քարը»: Բայց երբ մօտեցան, տեսան, որ քարը դէն էր ձգած գերեզմանի բերանից: Կանանցից մինը վազեց աշակերտների մօտ իմաց տալու այս բանը, իսկ միւսները գերեզմանը մտան և տեսան, որ մի երիտասարդ հրեշտակ նստած է գե-

րեզմանի աջ կողմում սպիտակ շորերով:
 Կանաչքը վախեցան: Հրեշտակն ասաց
 նրանց. «Մի՛ վախենաք, գիտեմ դուք խա-
 չուած Յիսուսին էք որոնում, բայց ի՞նչու
 էք կենդանին մեռելների մէջ փնտռում:
 Նա այստեղ չէ, յարութիւն առաւ: Գնա-
 ցէ՛ք, ասացէ՛ք նրա աշակերտներին, որ
 Յիսուս նրանցից առաջ կգնայ Գալիլիա,
 դուք այնտեղ կգտնէք նրան, ինչպէս որ
 ինքն առաջուց ասել է»:

Եւսաչի քո Բրիստոս երկրպագանեմք եւ
 զսուրբ թաղմանդ քո մեծացուցանեմք եւ զսուրբ
 յարութիւնդ քո փառաւորեմք:

Փառք սուրբ խաչիդ, ալէլուիա,
 Սրբոյ թաղմանդ, ալէլուիա,
 Սուրբ յարութեանդ, ալէլուիա:

Բրիստոս յարեաւ ՚ի մեռելոց, մահուամբ
 զմահ կոխեաց եւ յարութեամբն իւրով մեզ զկեանս
 պարգեւեաց, նմա փառք յաւիտեանս. ամէն:

Քրիստոս մեռելներից յարութիւն առաւ. (Խբ)
 մահով լաղթեց մահուան, իսկ յարութիւնով մեզ կեանք
 պարգեւեց, նրան փառք լինի յաւիտեանս. ամէն:

29. ՅԻՍՈՒՍԻ ՀԱՄԲԱՐՁՈՒՄՆ

Յարութիւնից ետ Յիսուս 40 օր էլի
 մնաց երկրիս վրայ — նա երբեմն գալիս էր
 իւր աշակերտների մօտ: Սրանից ետ Յի-
 սուս Չիթենեաց լեառը բարձրացաւ, այն-
 տեղ խրատեց նրանց և ասաւ. «Երուսա-
 դէմից չհեռանաք, այլ սպասեցէք մինչև
 Հայր Աստուած ձեզ աւետիք կուղարկէ —
 Սուրբ հոգին երկնքից ձեզ վրայ կիջնի,
 դուք իսկոյն զօրութիւն կստանաք՝ ուրիշ
 մարդիկ կգառնաք, ետոյ կերթաք, կքա-
 րողէք Երուսաղէմում, Հրէաստանում, միւս
 երկիրներում և ամեն տեղ կվկայէք իմ
 մասին: Ուրեմն գնացէք և բոլոր ազգե-
 րին սովորեցրէք Հօր, Որդւոյ և Սուրբ
 Հոգւոյ անունով: Սովորեցրէք նրանց, որ
 պահեն այն ամենը, ինչ որ ձեզ ասացի:
 Ով ձեզ կհաւատայ և կմկրտուի, կազա-
 տուի, իսկ ով չի հաւատայ, կպատժուի»:
 Երբ այս ասաւ, բարձրացրաւ ձեռները և

օրհնեց նրանց: Օրհնելու ժամանակ՝ մի ամպ եկաւ և ծածկեց նրան՝ անպէս որ աշակերտներն այլ ևս չտեսան Յիսուսին: Նա երկինք բարձրացաւ: Նրանք երկրպագեցին ու մեծ ուրախութիւնով ետ դարձան Երուսաղէմ և ամեն օր տաճարում օրհնում էին ու սպասում Սուրբ Հոգուն:

Համբարձման տօնը կատարում ենք Չատիկից 40 օր ետոյ:

30. Հ Ո Պ Ե Պ Ա Լ Ո Ի Ս Տ

Համբարձումից ետ առաքեալները դարձան Երուսաղէմ և միասին էին: Տասն օրից ետ երկնքից յանկարծակի մի ձայն լսուեց՝ սաստիկ փշոզ քամու նման և լցրաւ տունը, ուր նստած էին: Ետոյ առանձին-առանձին կրակի նման լեզուներ երեւացին. այդ լեզուներից ամեն մինը իջաւ իւրաքանչիւրի վրայ: Իսկոյն Սուրբ Հոգւով լցուեցան և սկսան զանազան լեզուներով խօսել:

Բացի Երուսաղէմացիներից այնտեղ գտնուում էին շատ աստուածավախ հրէաներ, որոնք ուխտ էին եկել աշխարհիս ամեն կողմերից: Երբ երկնքից իջնող ձայնը լսուեց, ժողովուրդը մի տեղ հաւաքուեց — ամենքը զարմացած լսում էին, թէ առաքեալներն ինչպէս ուրիշ-ուրիշ լեզուներով էին խօսում: Այ ոք չէր հաւատում իւր տեսածին, սրա համար էլ մինը միւսին հարցնում էր. «Չէ՞ որ այս խօսողները բուրն էլ գալիլիացիներ են, տեսէք ինչպէս մեր լեզուներով խօսում և պատմում են Աստուծոմեծամեծ գործերը — այս ի՞նչպէս ք է լինի»: Իսկ ոմանք էլ ծաղրում էին և ասում. «Երևի սրանք հարբած են»:

Այն ժամանակ Պետրոս առաքեալը տեղից վեր կացաւ և սկսաւ այսպէս խօսել. «Ով հրէաստանցիներ և Երուսաղէմում բնակուողներ, լաւ լսեցէ՛ք ինչ որ ձեզ քարոզելու եմ, սրանք հարբած չեն, ինչպէս կարծում էք, որովհետեւ դեռ ա-

աւարտեան ժամի Տ-ն է: Լսեցէք, ո՛վ խա-
րայէրացիներ, Աստուած Յիսուս Նազով-
րեցուն աշխարհ ուղարկեց, նա եկաւ և
ձեր մէջ հրաշքներ գործեց: Թէև դուք
նրան ինչեցիք, բայց Աստուած երեք օ-
րից ետ արութիւն տուաւ»:

Երբ ալս քարոզը լսեց ժողովուրդը,
զղջաց: Ետեքը գալիս էին Պետրոսի,
միև առաքեալների մօտ և հարցնում էին.
«Ի՞նչ անենք»: Պետրոսն էլ ասում էր
նրանց. «Ապաշխարեցէ՛ք և մկրտուեցէ՛ք
Յիսուս Քրիստոսի անունով»: Ո՛վ կմկր-
տուի, Սուրբ Հոգու շնորհը կընդունի»:
Այն օրը երեք հազար մարդ հաւատաց
Պետրոսի խօսքերին և մկրտուեց:

Հոգեգալստեան տօնը կատարում ենք Չատկից
50 օր կտոյ:



ԻՄ ԱՇԽԱՏՈՒԹՅԱՄԻ ԼՈՅՍ ԵՆ ՏԵՍԵԼ ԿՐՕՆԻ
ՀԵՏԵՒԵԱԼ ԳԱՍԱԳՐԵՐԸ

I.

ՈՒՍՈՒՑԻՉՆԵՐԻ ՀԱՍԱՐ

ՍՏՈՐԻՆ ԵՐՁԱՆ

Ռ. Կ.

- 1. ԳԱՍԱԳՐԻՔ ԿՐՕՆԻ ՀԻՆՈՒԽԱ ՀԱՄԱՐ Ա. 1 75
- 2. ԳԱՍԱԳՐԻՔ ԿՐՕՆԻ ԿՐՐՈՒԽԱ " Բ. 2 5
- 3. ՄԻ ՔՈՆԻ ԽՐԱՔ Հայ կրթնությանը հիմն. — 10

ՄԻՋԻՆ ԵՐՁԱՆ

- 4. ՈՒՍՈՒՑՈՒՄԵ ՔՐԻՍՏՈՆԵՍԿ. ԿՐՕՆԻ ՀԱՄ. Գ. . . 1 50
- 5. ՈՒՍՈՒՑՈՒՄԵ ՔՐԻՍՏՈՆԵՍԿ. ԿՐՕՆԻ " Ե. . . — 50
- 6. ՏԱՍՆ ՊԱՏՈՒԹՅԱՆ — 50

II.

ԱՇՍԿԵՐՏՆԵՐԻ ՀԱՍԱՐ

- 7. ԳԱՍԱՏԵՏՔ ԿՐՕՆԻ. Ա. տարի— 25
- 8. ԳԱՍԱՏԵՏՔ " Բ. " — 20
- 9. ԳԱՍԱՏԵՏՔ " Գ. " — 30
- 10. ՄՐԱԶ. ՊԱՏՎ. ՀԻՆՈՒԽԱԻ 1. (ընդարձակ) } Գ. " — 45
- 11. ՄՐԱԶ. ՊԱՏՎ. ՀԻՆՈՒԽԱԻ 3. (համառ օտ) } Գ. " — 35
- 12. ՄՐԱԶ. ՊԱՏՎ. ԿՐՐՈՒԽԱԻ 1. (Աւետարան) } Ե. " — 40
- 13. ՄՐԱԶ. ՊԱՏՎ. ԿՐՐՈՒԽԱԻ 2. (Գործընթաց) } Ե. " — 40

Իմ դասագրքերն ստանալ ցանկացողները կարող են գրվել—

- 1. Կիև: Священнику С. Саакянцъ, Коммерческое училище.
- 2. " Центральная книжная торговля.

Ինձ գրվողներն ստանում են ուսուցչաց դասագրքերի համար 35% իսկ աշակերտաց՝ 20% (ստաջիան տարին 25%) գեղջ կանխիկ վճարմամբ

ԳԻՆՆ Է՝ 25 կոպ.

189200 409

2013

<< Ազգային գրադարան



NL0026817

